


VEÐUR



Norðaustlæg átt 3-10 m/s og smávegis væta vestast í fyrramálið, en léttir síðan til og má búast við björtu veðri víða um land. Með suður- og austurströndinni er útlit fyrir heldur meira af skýjum og má búast við rigningu þar annað kvöld. Hiti víða 12 til 17 stig.

SIÁ SÍÐU 18

Júlíus Vífill Ingvarsson hefur ítrekað tekið mál tónlistarskólanna til umræðu á fundum borgarráðs: Borgarfulltrúi segir borgina bera ábyrgð

MENNTAMÁL „Við gætum staðið frammi fyrir þeirri hrikalegu staðreynd að helstu tónlistarskólum borgarinnar verði hreinlega lokað og þeir verði lýstir gjaldþrota,“ segir Júlíus Vífill Ingvarsson, borgarfulltrúi Sjálfstæðisflokksins, um þá alvarlegu stöðu sem tónlistarskólur í Reykjavík eru í, að geta ekki fjármagnað starfsemi sína.

Fjórir tónlistarskólur í borginni eru illa staddir fjárhagslega og ekki ljóst hvort þeir geti starfað áfram.

Júlíus spyr hvernig borgin ætli að bregðast við þegar framhaldsnemendur í tónlist komi að lokum dyrum. „Væntanlega getur Listaháskólinn þá lokað sinni tónlistardeild enda ekki hægt að starfrækja háskóla án menntaskóla.“

Að sögn Júlíusar hefur hann ítrekað tekið mál tónlistarskólanna til umræðu í borgarstjórn og í borgarráði. Hann segir að skyldur sveitarfélaga séu skýrar og að samkomulagið sem



JÚLÍUS VÍFILL INGVARSSON

komulagið með þeim hætti nema Reykjavíkurborg.

„Mér finnst ekki gott að sjá

undirritað var árið 2011 um aðkomu ríkisins að kennslukostnaði tónlistarskóla létti ekki skyldum af sveitarfélögum, enda hafi ekkert sveitarfélag tülkað sam-

hvernig oddviti Bjartrar framtíðar í borgarstjórn hrærir í þessu máli og reynir að snúa því upp í einhvers konar þrúttmarkað á milli ríkis og borgar. Sem lögfræðingur vil ég segja að texti samkomulagsins gefi ekki tilefni til að tülka það með þeim hætti sem hann gerir,“ segir Júlíus um ummæli Björns Blöndal, formanns borgarráðs, um að ríkið beri ábyrgð á stöðunni í tónlistarskólamálium.

- ngy



SKÓFLUSTUNGA Með viðbyggingunni er verið að mæta þörf vegna aukins nemendafjölda. FRÉTTABLAÐIÐ/VILHELM

Viðbygging við Vesturbæjarskóla verður tekin í notkun árið 2017: Skóflustunga við Vesturbæjarskóla

REYKJAVÍK Dagur B. Eggertsson borgarstjóri, Margrét Einarssdóttir skólastjóri og börn í Vesturbæjarskóla tóku í gær fyrstu skóflustungurnar að viðbyggingu við skólann sem tekin verður í notkun haustið 2017.

Með viðbyggingunni er verið að mæta þörf vegna aukins nemendafjölda. Undirbúningur að framkvæmdum hefur staðið yfir síðustu vikur en færa þurfti til kennslustofur sem standa á lóð skólans.

Nýja viðbyggingin verður 1.340 fermetrar og mun hún hýsa hátíðarsal, eldhús fyrir nemendur, sérkennslustofur og almennar kennslustofur.

- ngy

Var sakaður um kynferðisbrot: Lögreglumaður ekki kærður

DÓMSMÁL Ekki verður gefin út ákæra á hendur sextugum lögreglumanni á Húsavík vegna meints kynferðisbrots hans á hóteli á Norðurlandi. Tvítug stúlka kærði lögreglumanninn þann 23. nóvember síðastliðinn. Var brotþoli og meintur gerandi auk vitna boðuð í skýrslutöku og málið sent ákærvaldinu.

Ákærvaldið taldi hins vegar ekki tilefni til að gefa út ákæru þar sem ekki er talið líklegt að sakfelling náist.

- sa

Aðgengi á ferðamannastöðum: Rannsóknir á aðgengi fatlaðra

MANNRÉTTINDI Norræna Atlantshafssamstarfið (NORA) mun styrkja gerð samantektar um verkefni á sviði aðgengis fyrir fatlaða að ferðamannastöðum á Grænlandi, Íslandi, Noregi og í Færeyjum. Á síðustu árum hefur umræða um aðgengi fatlaðra aukist.

Norm ráðgjöf ehf. leiðir verkefnið en aðrir íslenskir þátttakendur eru Access Iceland ehf., Reykjavíkurborg og Öryrkjabandalagið. NORA er ætlað að styrkja samstarf á starfssvæði sínu á sviði viðskipta, rannsóknar og þróunar.

- sa

Segja skilning borgarinnar vera rangan

Tónlistarskólur í Reykjavík glíma við þá alvarlegu stöðu að geta ekki fjármagnað starfsemi sína. Ríkið og borgin eru ósammála um hver beri ábyrgð á vandanum.

MENNTAMÁL „Það eru mikil vonbrigði að Reykjavíkurborg skuli hafa nálgast þessi mál með þessum hætti og sett nám í tónlistinni skör lægra,“ segir Illugi Gunnarsson menntamálaráðherra um ummæli Björns Blöndal, formanns borgarráðs og staðgengils borgarstjóra, í Fréttablaðinu í gær um ábyrgð ríkisins á þeirri alvarlegu stöðu sem tónlistarskólur í Reykjavík eru í, að geta ekki fjármagnað starfsemi sína.

Fréttablaðið greindi frá því á dögnum að fjórir skólur væru mjög illa staddir fjárhagslega og að óljóst væri hvort skólarnir geta haldið áfram starfsemi sinni.

Vorið 2011 var gert samkomulag milli ríkis og sveitarfélaga um nokkur hundruð milljóna króna fjárframlag ríkissjófs til tónlistarmenntunar á framhaldsstigi. Nemendum í tónlistarskólum fjölgaði hins vegar og vantaði töluvert upp á að fjárhæðin dygði til reksturs skólanna. Ágreiningur er nú um það hverjum beri að brúa bilið, ríkinu eða borginni.

„Skilningur formanns borgarráðs um að samkomulagið hafi með einhverjum hætti losað sveitarfélögin frá ábyrgð sem kveðið er á um í lögum varðandi rekstur tónlistarskóla á mið- og framhaldsstigi er rangur,“ segir Illugi og bætir við að afstaða Reykjavíkurborgar hafi haft skelfilegar afleiðingar. Nú sé svo komið að tónlistarskólur í Reykjavík séu komnir á heljarþróm. „Það er ekki skrítið að þeir séu að stefna borginni vegna þessa.“

Í tilkynningu frá mennta- og menningarmálaráðuneytinu segir að svo virðist sem Reykja-



TÓNLISTARSKÓLINN Í REYKJAVÍK Fjórir tónlistarskólur í Reykjavík eru mjög illa staddir fjárhagslega. FRÉTTABLAÐIÐ/ANTON BRINK



ILLUGI GUNNARSSON

list. Þetta gangi þvert á skilning þáverandi og núverandi mennta- og menningarmálaráðherra.

„Þó að ríkið hafi sett umtalsvert mikla fjármuni í að styrkja tónlistarnám var aldrei hugsunin að einstök sveitarfélög gætu sagt sig frá verkefninu, enda ljóst að sveitarfélögin fara með allt fyrirsvár málaflokksins,“ segir Illugi og bætir við að önnur sveitarfélög

á Íslandi hafi axlað sína ábyrgð og haldið uppi blómlegu tónlistarlífi hér á landi.

Björn sagði frá því í Fréttablaðinu í gær að síðastliðið vor hefði annað samkomulag verið gert milli ríkisins, Reykjavíkurborgar og Samtaka tónlistarskóla í Reykjavík um aukin fjárframlög til að tryggja rekstur tónlistarskólanna. Ríkið hefði ekki staðið við samkomulagið.

Í tilkynningu frá ráðuneytinu segir að Reykjavíkurborg hafi lagt fram samkomulagsdrög síðastliðið vor til þess að afstýra málsókn skólanna á hendur henni og forða tónlistarskólunum frá gjaldþrota. Ekki hafi verið gengið frá því samkomulagi og því sé rangt að halda því fram að ríkið hafi ekki virt það.

nadine@frettabladid.is



BORGARLEIKHÚS-BLAÐIÐ

KEMUR ÚT
ÞRIÐJUDAGINN
25. ÁGÚST

Feðgar hafa verið úrskurðaðir í gæsluvarðhald vegna gruns um þjófnað: Grunaðir um sex þjófnaði

LÖGREGLUMÁL Tveir menn sem grunaðir eru um þjófnað úr verslunum á ferðalagi sínu um landið hafa verið úrskurðaðir í tveggja vikna gæsluvarðhald og einangrun. Um er að ræða feðga sem hafa engin tengsl við landið en þeir eru grunaðir um sex brot sem eru til rannsóknar hjá fjórum lögregluembættum á landinu.

Mennirnir voru handteknir nærri Höfn í Hornafirði þann 11. ágúst.

„Það kom til mín erlendur maður og bað mig um að aðstoða sig við að velja peysu á sig sem ég gerði að sjálfsgöðu. Honum gekk illa að ákveða sig og talaði lengi við mig,“ sagði Sigurlaug Gísladóttir, eigandi Húnabúðar, við Vísi daginn sem feðgarnir létu til skarar skriða.

Á meðan laumaði annar maður sér inn í verslunina og hafði þaðan á brott allt sem var í kassanum og veski eigandans. Alls stal hann um 70.000 krónum og þar að auki öllum kortum, skilríkjum og persónulegum munum Sigurlaugar sem í veskinu voru.

Í framhaldinu virðast þeir hafa haldið áfram hringveginn í norður og austur. Er þeir grunaðir um þjófnað með svipuðum aðferðum,



FERÐAÞJÓFAR Erlendir feðgar eru grunaðir um sex brot víðs vegar um landið. FRÉTTABLAÐIÐ/STEFÁN

meðal annars á Sauðárkróki og Eskifirði. Einnig er um að ræða innbrot í hús og sumarbústaði. Mennirnir neita að tjá sig um málið og vilja ekkert segja um myndir af þeim sem náðust á öryggismyndavélar. Þá neita þeir einnig að tjá sig um þýfi sem fannst á þeim.

Feðgarnir verða því í einangrun til 26. ágúst. - ktd